

wend, So / sol die obgenant vesti J a g b e r g⁶ vnd all die lüt vnd güter zins vnd stüran die in disen obgenanten marken begriffen sind, Sunderlich die der obgenant graf R ù d o l f f⁵ selig ze sinen handen Jnngehabt vnd genossen hat / als vor ist beschaiden, herwider an vns vnd alle vnser erben vnd nachkomen ze rechtem ewigen aigen geuallen vnd veruallen sin, an aller meniclichs widerrede sumung vnd ansprach, Also daz vns vnd vnser erben, des / vorgeantent graf h a i n r i c h s¹ erben, noch der erben in dhain wis, daran nit sumen noch irren sont, mit dhainen sachen suss noch so, Es sol och die egenant vnser vesti J a g b e r g⁶ yetz zemal vnd nũ hinnanhin allweg / vnser offen hus sin, vns vnd die vnsern darin vnd daruz ze lassent vnd och darinn ze enthaltent zũ aller vnser notdurfft, wenn wir des bedürffent, doch mit der gedingd, wen wir dahin legent vnd haben wöllent / daz der in vnser kost da sin sol an geuerd, Er sol och die selben Vesti J a g b e r g⁶ besetzen mit ainem Purckherren der ainem Vogt ze V e l t k i l c h swer ainen gelerten aid, ze den hayligen, wenn das ist vnd zeschulden kunt / daz Er von todes wegen abgangen ist, daz Er denn die selben Vesti J a g b e r g⁶ vns vnd vnsern erben, oder Vögten, oder gewissem botten Jngeb vnd antwurti an widerred vnd an alles verziehen, Vnd als dik er ainen / purckherren daselbs ze J a g b e r g⁶ ändern vnd verkeren wil, So sol der Purckherr der vff der vesti denn ist, die vesti en kainem anderm purckherren nit in antwurten, Er hab denn vor ainem Vogt ze V e l t k i l c h och ze / den hayligen gesworn, vns mit der vesti gewärtig zesind Jn der wise als vorgeschriben stat an all geuerd, Es ist och beredt von der zins vnd stüran wegen, so von den lüten vnd gütern ze G a l m i s t⁷ vnd ze t y s i s¹⁵ / geuallent, die och der obgenant graf R ù d o l f f⁵ selig ze sinen handen Jnngehebt vnd genossen hat, daz die vnser phleger vnd Amptman ze V e l t k i r c h in nemen sol vnd die dem obgenanten graf h a i n r i c h e n¹ ierclichs die wil er / lebt, geben vnd antwurten, Vnd daz Er mit den selben lüten fürbass nütz mehr zeschaffen haben sol, Wann Si vns yetz gantzlich vnd aigenlich veruallen sind, Es ist och beredt von der obgenanten lüt wegen die in disen / obgenanten marken begriffen sind, vnd sin lipding wesen sont, nach dis brieffs sag, das vns die yetz zemal für aigen sweren, vnd vns vnd vnser Statt zũ V e l t k i r c h zũ allen vnsern sachen hilflich vnd geraten wesen sont, wa / Wir des bedürffent, es sig mit Raisen¹⁷ ald andren sachen, vngeuerlich, Dasselb sont och wir vnd dieselb Statt ze V e l t k i l c h inen hinwiderumb tũn in allen Jren sachen wa